

بسم الله الرحمن الرحيم

في البداية أحب أقول لكل أخواتي اللي هيقروا الموضوع ده ان انا مبتدئ زيكم بالظبط انا مش خبير ولا حاجه بس حبيت أرد على كل الأسئلة اللي وصلتني في خلال سويغات بسيطة بعد ما نشرت على الجروب أنى نجحت بفضل الله وده مشاركة بسيطة في محاولة لمساعدة أخواني (ولا أسألكم عليه أجرا ولكن أسألكم الدعاء بظهر الغيب لوالدي أن ينزل الله عليه من رحماته، ولوالدي أنا يشفيها الله شفاء عاجلا غير أجل وأن يطيل عمرها في طاعة الله وأن يهديني إلى صراطه المستقيم انه ولى ذلك والقادر عليه)

أولا: التحضير للدراسة في مجال تكنولوجيا المعلومات بصفة

عامه

يفضل في البداية ان يكون مستوى الإنجليزي معقول علشان طبعا الشغل على كل الأجهزة انجليزي فطبعا لازم تكون قادر تفهم وتستوعب الأوامر ومعناها مش مجرد إنك حافظ الأوامر وبس ولازم لما تطلعك رسائل (LOG & ERREOR & INFO) تكون قادر تفهمها غير ان مش جميع الشروحات اللي هتقابلها بالعربي، بالعكس لازم هتضطر في أي وقت إنك تسمع شرح بالانجليزي أو تقرأ كتاب أو مقال بالانجليزي.

ثانيا: مدة الدراسة

وده من أكثر الأسئلة اللي اتسألت لي وطبعا كان أخونا المهندس أشرف خليل جاوب على الموضوع بتاع مدة دراسة أي شهادة ده في الندوة اللي فاتت – أنصح الجميع بمشاهدتها من الرابط ده <http://youtu.be/IGzx4gU5Bs4> - وكان أخونا المهندس عادل الحميدي تطرق للموضوع ده في سلسلة من أين أبدا وكيف أبدا في الشبكات سؤال لطالما حيرني وتقدر تشاهدها من الرابط ده <http://www.youtube.com/watch?v=XkZYok2JgEM&list=PLFjr7QsNng2075K> - لأن مدة الدراسة تختلف من شخص لآخر لأسباب كثير منها على سبيل المثال وليس الحصر (سرعة الاستيعاب، الظروف الشخصية من أوقات فراغ أو مسؤوليات عائلية وخلافه) لذلك انت اللي تقدر تحدد المدة مش حد غيرك. انت حدد لنفسك مدة واجتهد إنك تكون

خلصت في خلال المدة دي. انا في مرة شفت تعليق عند أحد المهندسين اللي شرحوا CCNA بس انجليزي على صفحته الخاصة انه واحد عنده 65 سنة يشكره انه اتعلم الكورس ده منه وفهمه كويس. التعليم والتعلم ليس له سن أو عمر يقف عنده هتفضل تتعلم طول عمرك يبقى لازم تجتهد وبس.

ثالثا: دراسة CCNA

طبعا ناس كتير غيري كتبت في الموضوع ده واتكلموا كتير عن مين اللي بيشرح سواء بالعربي او بالانجليزي ومنهم أخونا المحترم محمد صلاح كان كاتب البوست ده وعامل فيه تجميعه حلوة جدا للشرح بالعربي والانجليزي تقدر توصل للبوست من خلال الرابط ده

<https://www.facebook.com/groups/AllCiscoLabs/permalink/688772514528>

[/877](#)

ادخل عليه واسمع من كل الناس بلاش النظام اللي اتعلمناه في المدارس انك تسأل على النقط المهمة وتروق دماغك من الباقي ده لا يصلح في العمل ولا البيئة العملية كله مرتبط ببعضه والامتحان بيبيى شامل كله.

رابعا: الامتحان

ياريت متفعدش تفكر في الامتحان وتنسى الدراسة لأنك إذا فهمت كويس مش هيفرق معاك الامتحان نهائيا وبرضه في حاجات كتير بتساعدك إنك تجهز نفسك للامتحان وتدخل وانت مطمئن.

طبعا عندنا المهندس أحمد نظمي عمل مجموعة فيديوهات لشرح أسئلة الامتحان من الدامب المشهور واللي مطابق تماما لأسئلة الامتحان تقدر توصل لها من هنا

[http://www.youtube.com/watch?v=IWg1cvWh9mE&list=PL77yNtB4-Ljl7u-](http://www.youtube.com/watch?v=IWg1cvWh9mE&list=PL77yNtB4-Ljl7u-EtBPf1U1gsfYjH3-Qm)

[EtBPf1U1gsfYjH3-Qm](#)

وفي ملف انا جمعت فيه كل الأشياء المهمة للتجهيز للامتحان الدامب المشهور اللي المهندس أحمد نظمي اشتغل عليه ومعاه برنامج VCE بالكراك. وكذلك في نفس الملف هتلاقي أسئلة اللابات – Simulation – موجوده انا جمعتها من على موقع www.9tut.com كل لاب عبارته عن ملف بيشتغل على Packet Tracer ومعاه الشرح بتاع الموقع ملف PDF. ولازم تاخذ بالك من الإضافات اللي تحت الشرح بتاع السؤال بتاع اللاب علشان هو بيشرح لك كل الاحتمالات اللي ممكن تجيلك في الامتحان وكل الحلول بتاعتها.

لازم تذاكر كويس وتحل الامتحان على الأقل مرة كل يوم قبل ما تدخل الامتحان علشان تبقى فاهم مش حافظ وتحل اللابات مع الامتحان وتاخذ بالك انك لازم تبقى فاهم مش حافظ

ده لينك تجميعة التحضير للامتحان

[http://www.mediafire.com/download/37uhkyl87y8gk7w/Preparing_for_CC
NA_Exma.rar](http://www.mediafire.com/download/37uhkyl87y8gk7w/Preparing_for_CC_NA_Exma.rar)

فى النهاية أسأل الله ان يوفقنا جميعا لما يحبه ويرضاه
سلام الله عليكم ورحمته وبركاته

أخوكم/ مصطفى عطية

للتواصل

Facebook Account: <https://www.facebook.com/mostafa.attayah>

LinkedIn Account: <http://ae.linkedin.com/pub/moustafa-attia/a2/a6a/309>